

國學書局

清代傳記叢書



明文書局印行

清代傳記叢刊・綜錄類③
周駿富輯

碑傳集

(六)

卷八七至
卷一〇六

(清)錢儀吉纂錄



明文書局印行

碑傳集卷八十七目錄

嘉慶朝監司

江蘇布政使司布政使方公昂墓誌銘

紀詩

贈太常寺卿四川布政使楊公揆墓誌銘

趙璧王

又四川布政使蒯震揚君墓誌銘

秦嶺

廣西按察使朱公爾漢神道碑

碑

浙江分巡杭嘉湖道陝西候補道李公翮墓表

碑

湖南按察使贈巡撫傅鼎傳

魏源

四川布政使方公積傳

四川通志

通奉大夫廣西布政使史公積容墓誌銘

附附

福建布政使良吏李君廣芸傳

阮元

山東糧道孫君星衍傳

阮元


浙江溫處道陳公昌齊傳

廣東通志

又溫處兵備道陳公傳

吳應璩

42972/05



111-004

嘉慶朝監司

江蘇布政使司布政使方公昂墓誌銘

紀時

劉又正公有言曰士大夫必有毅然任事之心而後可集事必無所牽就附合而後能毅然任事又必一塵不染一念不私而後能無所牽就附合至於仕宦升沈則有數焉君子弗論也余承師訓恆抱愧心乾隆庚辰分校會試得諸子桐嶼其性剛勁無所阿雖登鼎甲入翰林卒外調一郡坎壈以沒巧宦者恆指爲前車然桐嶼乾隆壬午典試山東得方子坳堂剛勁過於其師固未嘗不以功名終蓋坳堂自辛卯成進士分刑部學習得貴州司主事癸卯遷浙江司員外郎丙午遷雲南司郎中己酉出爲江西饒州府知府庚戌遷江蘇蘇松道有尼之者遂以病乞歸壬子病痊仍往蘇松候補甲寅署理松太道旋補江甯鹽巡道嘉慶戊午遷貴州按察使己未遷江蘇布政使庚申閏四月以積勞成疾奏請解職遂以是月卒其在刑曹也值新更秋讞之例凡金刃殺人之家概定爲情實坳堂分別其輕重固爭不得後果蒙

高宗純皇帝指示改正緣是爲同事所服亦緣是爲同事所忌淹滯殆
十年又嘗兩上書與司寇爭司寇雖微愠而心重其人故卒排羣議而
特薦之其在饒州也值阮光平入覲沿途守令多醵金節供帳劫堂曰
聖天子以威德服四夷非誇以靡麗也戒所屬皆勿與頗忤上官旣而
密偵其居官實一介不取乃轉以此知劫堂諸事倚重焉其初擢蘇松
道也饒州新守已任事劫堂具船將行矣適營弁緝鹽波及良善眾洶
洶不平營弁遽以民變告且請徵兵劫堂曰新守與民未相習民弗信
也乃自出曉諭捕首倡者二十五分別置法而申請上官褫營弁不動
聲色大難立平其署松太道也閩廣洋盜竄入吳淞總督巡撫提督會
師於寶山劫堂獨建議曰衢山與大小羊山江浙之分界也港汊叢雜
盜船隨處可寄旋一得風潮之便倏忽出沒猝不及防當其乘風而來
迎擊之則彼順而我逆及其趁潮而退追擊之則我後而彼先是使盜
常憑勝勢也請於要隘多設伏俟其至則縱使過而躡其後遇其退則
扼不使前以待後隊之追剿盜雖黠無能爲也眾從其議盜果大摧時
督師皆大吏劫堂一監司耳卽坐受指揮未爲緘默而籌畫方略慷慨
陳詞以一身任勝敗之責此其用心豈苟且自全者所知乎其爲江甯

鹽巡道也缺至清苦而煩劇特甚坳堂緝訟師剔衙蠹戢强弭盜賊
事事注以全力而尤以砥礪風俗爲先遇事則我用我法若不知有宦
途酬應事同官習聞其丰采亦不以爲訝也其爲貴州按察使僅八閱
月爲江甯布政使僅三閱月沈幾默察尙未肯輕有作爲然其以病乞
歸也

殊批奏摺有此人可惜之旨然則坳堂之生平

天鑒之矣使其沈疴早瘥開府建牙固掌握中事卽天不假年未竟其
用而以孤寒下士中朝無葭莩之親又負其磊落之氣動與物忤而歟
歷中外亦不爲不通顯然則剛柔者性也人所自爲者也窮通者命也
天所預定而人無預焉者也觀於坳堂可知桐嶼之顛躓乃命之所爲
卽使曲意脂韋不過自喪其所守安見策高足趨捷徑必一一紆青拖
紫歟吾於是益信劉文正公之言不必以桐嶼之事遂猶豫不果矣坳
堂諱昂字叔駒一字詡庵坳堂則其別號也先世歙人至贈通奉大夫
持千公始占籍山東厯城卽坳堂之考也娶楊太夫人又娶朱太夫人
是爲坳堂之生母坳堂生於乾隆庚申五月十四日卒於嘉慶庚申閏
四月二十八日年六十有一元配楊夫人繼配趙夫人並早卒又繼配

吳夫人子四世平世興世德世絨女三一適金鄉張鎮峯一適吳江周霞一未受聘孫一某世平等將以某年某月卜葬乞銘於余余素重功堂之氣節乃不辭而爲之銘曰

佳城一閉泉路寂寥吾不知千百年後或鬱松柏或翳蓬蒿然銅棺可朽鐵骨則不銷

贈太常寺卿四川布政使楊公揆墓誌銘

趙懷玉

公諱揆字同叔一字荔裳楊氏之先自華陰遷常州再遷無錫祖孝元考鴻觀世爲名諸生皆以公貴贈如其官母顧氏封太夫人公生而聰穎八九歲時卽好涉獵史事塾師嘗以蘭是眾香祖屬對卽應聲曰梨爲百果宗問何出曰南史張敷傳也長老異之年十四贈公去世從其兄今戶部郎芳燦學時戶部已名噪里中所交悉知名士公亦頡頏其閒有二難之目南昌彭文勤公視學江左聞其才以兄子妻之入都爲國子監生兩試京兆不售乾隆四十五年

純皇帝五幸江浙召試一等賜舉人授內閣中書五十五年充文淵閣檢閱入軍機處行走明年廓爾喀酋長侵犯藏界誘執西藏丹津班珠爾等稱兵肆掠富察嘉勇公福康安爲大將軍奏公從行五十七年

恩賜花翎以內閣侍讀升用五十八年補侍讀甫逾月授四川北道
六十年加按察使銜旋授四川按察使以勦禦苗匪未赴任嘉慶二年
正月加布政使銜二月補甘肅布政使總統宜縣公奏留四川辦理軍
務四年二月之官是歲十一月調四川在甘肅四川皆代理總督事爲
鄉試監臨官再典武闈鄉試此厯官大略也其從征廓爾喀越日月山
並星宿海後隊遇大雪行李盡失糧糗不繼拾牛馬矢蘊火煮冰調麥
屑療饑夜則蒙裘露宿及抵濟隴山險不能容馬官兵皆舍騎而徒每
經絕陡則手足並用嘗夜雨前途賊至進退無所遂與同行者淋雨中
擁背持踵以達旦王師抵帕朗古廓爾喀惶懼乞降公以一書生履其
閒略無失策超勇海蘭察公爲參贊最知兵聞公言輒云與我意合爲
宿將所重如此其任川北當黔楚逆苗煽動總督和琳檄理軍務旋與
嘉勇軍合攻下苗寨殲擒賊目嘉勇公封貝子總督封伯爵公亦進秩
時湖南北習教匪徒潛結醜類剽掠卽堡攻擾州郡勢甚熾官兵頻有
斬獲俄貝子卒於軍中總督亦相繼歿眾心洶洶有
旨以額勒登保德楞泰二公接統大軍公設方略蒐軍實以左右之由
是壁壘一新其任甘肅爲公舊遊地凡城垣戶口版籍財賦胸有成竹

僚屬賢否亦瞭然於中故不煩而理其任四川值賊竄擾道路梗塞總督魁倫調度失宜賊踴渡潼河焚掠三臺中江縣境成都戒嚴總督逮問公撫輯難民調察姦宄旬日閒流亡安集人心以甯於龍安松潘安設臺站就無事州邑採買米穀以資飛輓既而各帥率兵接仗餉不繼總督勒保公則遠在軍營公乃直陳情形請發餉銀二百萬幕客斂手思拂

上意疏入竟邀

俞允在蜀五年經畫雷波馬邊夷務及時蔽功然頻歲軍興庫帑略盡而糧員支餉則絡繹而至公衡量緩急權爲假貸僅乃得濟而心神因之告瘁矣始公以倭直受暑誤服涼劑致痰飲疾後忽復發遂至不起事聞得

旨照軍營病故例議卹特贈太常寺卿廕一子入監讀書期滿以知縣銓選公與戶部皆以文名又皆以武功著自傷少孤事太夫人色養備至友于兄弟與人交不設城府爲文沈博絕麗下筆千言飛章走檄洞中窾要廓爾喀平定當立碑紀功向多記室爲主帥代作大將軍令卽署公銜名勒石番藏蓋文人奇遇也詩初學長慶出塞後境日險句亦

日奇駿駿乎入杜韓之室所著有詩文集如干卷奏牘如干卷衛藏紀聞如干卷生乾隆二十五年正月四日卒嘉慶九年五月十六日春秋四十有五配彭氏封夫人子三曰承懋三品廕生候選知州曰承慧國子監生曰承懋候選通判女一未字以嘉慶十一年某月日葬於某鄉之某阡其孤來謁余文余以奏賦與公同舉庚子公少余十有三歲方同官京師公處境尤困貧病至無以自給一旦遭際沴厯崇階而戎馬驅馳精力亦頗能撐柱以爲朝暮當致節鉞而壽亦未可量也乃財逾疆仕勞勩身殲如余之濩落無成者反操筆而誌其墓悲已銘曰

桓桓方伯智才絕倫詞賦通籍韜鈴致身敷厯行閒投轄克濟疇謂文事而疎武備寄隆藩翰勳耀竹帛下士皈心元戎側席胡天不弔鳳靡鸞叱星隕井絡愛遺岷峩

帝軫賢勞清卿進秩生榮死哀父作子述婉孌者山濼洄者谿我銘幽宮岸谷弗移

又四川布政使荔裳楊君墓志銘

秦嶺

嘉慶九年五月十六日四川布政使楊君荔裳以勤於其職積勞致疾卒事聞

天子憫其勞贈太常寺卿予祭葬蔭一子爲知縣舊例惟在軍營病沒者得議卹君沒於位亦得仰荷國家逾格之榮卹贈有加由是飾終之典於君爲特厚按狀君諱揆字同叔號荔裳其先自武進遷無錫曾祖宗濂祖孝先卽吾邑所稱介公先生者也父鴻觀與其世父邛州知州潮觀並工詩文不遇早卒三世皆以君貴贈如君官妣顧氏封太夫人君家先世旣以文學著稱而其外氏自修遠先生諱宸者著名聽社百年來其學更遠有端緒君之兄蓉裳承兩家之學擅才藻君稍後出亦髫髻卽能文辭尤長於詩蓉裳旣由拔貢生出爲知縣而君以國子生於乾隆四十五年

純皇帝召試江甯行在賜舉人授內閣中書閱數年人直軍機處會廓爾喀酋長侵犯西藏誘執班珠爾等稱兵肆掠富察嘉勇公福康安爲大將軍奏君從行廓爾喀遠距碯門萬八千里君以書生從事自星宿海而外所歷懸崖絕壑險阻非人境層冰山積人馬驚墮而君枕戈漸劍磨盾草檄著紙若飛及旣成事撰文紀功勒石而還方君之在廓爾喀也蒙

賜花翎以內閣侍讀擢用旣還除侍讀旋授四川北道乾隆六十年

擢四川按察使嘉慶二年遷甘肅布政使時四川方有軍事總統宜綸
公奏留君逾二年始莅甘肅旋復調爲四川布政使越六年而沒計君
由侍讀出外歷監司藩臬諸所經營擘畫其事實與軍旅相終始故其
爲川北道也黔楚逆苗煽動君隨嘉勇公往討之公薨於軍閱三年苗
始平迨任甘肅教匪方跳梁鞏秦階所在騷動總督松筠公統兵於外
以省垣之事屬君君至築城垣稽戶口問邊氓疾苦噢咻煦嫗民以不
擾無何移四川屬賊竄擾渡潼河焚掠三臺中江縣境成都戒嚴總督
魁倫逮問君設施物具慮師行饋餉不繼檄它州縣預籌糗糧以資飛
輓而諸道兵餉仍匱乏總督勒保公遠在軍營君亟疏請發餉銀二百
萬兩幕客斂手懼失

上意奏入

報可君遇事果決持大體無所迴顧多此類願以軍興久資帑略盡而
請者絡繹輒無以應君權衡緩急僅乃得濟教匪以次殲滅而君疾作
不可治矣卒之日年四十有五烏庠始余爲諸生訪蓉裳干邑之城北
始識君君年纔十三耳與譚南北史事甚熟及余官中書君亦隨以獻
賦得是官窮甚沈抑不得志者數年阿文成公方在內閣少司寇王蘭

泉先生爲公道君之才公於君姓名不甚記憶詢諸余時余已遷侍讀
詳以告公君始以撰文知名同在軍機者一年而君有廓爾喀之行君
歸替余爲侍讀兩人相繼出外尺書通問無間余衰老意君志事當不
止是而竟止於是悲已君娶南昌彭氏贈檢討元璫女封夫人子承懋
三品蔭生捐知州承懋國學生以卹蔭例選知縣承懋候選知縣女一
未字所著有詩文集若干卷衛藏紀聞若干卷其孤旣由成都歸君之
喪將以某年某月某日葬於某鄉某原先期咨裳乞余文誌君墓辭曰
過車駟驪稅于方輶旣章以馳孰爲摧之繫匪自人天實隕而侯折其
輶捐于中逵蜀江演迤劍門屢屢魂兮來歸生斯葬斯潭潭幽宮陰風
晝吹名其不刪徵余銘辭

廣西按察使朱公爾漢神道碑

碑文

公諱爾漢字麗江姓朱氏先世自鄆遷餘姚曾祖名進祖大彬不仕父
健遷大興官絳州吏目大彬健皆贈朝議大夫前母林氏母熊氏皆贈
淑人公神明挺動有識斷能得人死力奴客悉以兵法部之自初入仕
卽在行間後遂與教匪相終始少時吏于戶部以吏目分發甘肅署甯
夏典史再署岷州吏目被議輸貲復官借補靖遠典史赴衛藏迎班禪

額爾德尼入朝道聞熊太淑人之喪去官服闋赴甘肅候補時平涼鹽茶廳回豪田五作亂公與通判吳君廷芳知縣黃君家駒守靖遠城賊仰攻一日引去靖遠回豪哈得成等一百三十有八人期夜半爲內應公鉤得賊情令守者悉登無驗不得上下漏初下乘馬至哈得成之門陽科其穀餉軍因拘焉所分遣捕賊人亦誘擒城下餘賊而賊雜守者在城上且數十人縣胥鐵光保最爲劇賊公登城給使獻刀卽反接以布祿其口直掖下城遂令鳴角城上捕賊人聞角聲皆拍賊肩曰視地賊視地則扼而反接之于是無脫者夜將半城外賊復引向城公呼語之復引去於是公以知兵聞升署隆德縣事諭底店據砦降回徙之補隆德縣知縣升直隸涇州知州預擒教匪頭目劉松并其孥升鞏昌府知府嘉慶元年教匪起陝西白河湖北當陽亦起二年賊大人四川總統宜綿公駐達州檄公參軍事是時賊渠王三槐拒總統于方山坪白砦山者極險固賊渠林亮工樊人傑屯山上與方山坪爲聲援將軍舒亮公提督穆克登布公屯山前之韓彭功公將成都兵三百募兵三千屯山後之排亞口排亞口之上曰金鳳觀曰草店曰鴨坪公一日盡攻克之復進有木柵當隘不見賊唯一犬號號然我兵有躍而攀柵者賊

乃自厓旁引刀斷其指我兵擲火焚柵賊鳴鑼掣所樹旗左右招賊賊大至公慮斷後路退師時九月九日也先是與韓彭塽爲師期而韓彭塽之師中道而緩賊得專力山後我兵不能克十月奉節賊千餘人援白岩公敗之擒賊渠邱廣福十一月白岩賊久困欲走傾巢來犯戰一晝夜不得路仍退至屯公以親博戰創甚回鞏昌道遇河州總兵保興公曰君文官乃能爾吾輩當何如後保興公與王三槐戰于三匪遂死事三年公運甘肅麥十萬石餉軍行至成縣賊渠高均德將眾七千窺麥公與涇州知州沈君清都司馬君良棟敗賊于格樓霸生擒賊軍師李得勝四年賊渠張漢潮犯秦州公赴成縣會剿而鞏昌警至馳還賊已據城東駕鸞河公夜掠賊卡至城守始固賊不敢攻以功升鞏秦階道生番鐵布者世居西傾山中凡十餘萬人乘教匪猖獗時出盜內地主兵內怖四川教匪謀留軍剿鐵布公以鐵布未叛亂且地險一搆兵非數年不平鐵布奉回教公召其阿渾諭曰鐵布非反者然爲惡不已且移軍至奈何其不爲惡知盜蹤者速來首於是來首者踵至公一日出姓名紙一曰此鐵布盜也復出圖紙一曰盜巢及出沒要隘盡于此分遣一百數十人捕之其來首者助之縛悉就擒鐵布乃定六年陝西